

probationis non requiratur, sed sufficiat, si tale crimen per indicia quodammodo probari queat. Neque enim alia delicti probatio requirenda est, quam quæ haberi poterit. Inde si quis deprehensus fuit prope equam, vaccam, vel asinam, vel aliud aliquod animal solutis caligis, & sublato indusio, vel aliis præparatoriis ad delictum perpetrandum adhiberi solitis, tum arbitrio Judicis relinquitur, quantum per se reus sit gravatus, & quam pœnam sustinere is debeat. Vide Carpz. *par. 2. qv. 76. n. 50. & seqq. fol. 214.* (2) Cessat quoque pœna ignis in eo, qui quidem conatus est sodomiam exercere, sed illud delictum non perduxit ad effectum. Inde considerandum est, an delinquens perveniret ad actum proximum: vel ad actum remotiorem. *Priore casu* quidem supplicium ignis non decernitur, pœna tamen mortis, v. gr. gladii invenit locum. *Posteriore casu* ejusmodi homo fustigatione & relegatione puniendus est. Vide Theodor. *c. 6. aphor. 5. n. 30. p. 850. Crimin.* Carpz. *d. qv. 76. n. 57. & seqq. p. 215. Pr. Crimin.* Francisc. Vivius *lib. 2. Opin. 726. per tot. fol. 223. & seqq.*

ARTIC. CXVII.

*Pœna incestus.*Straff der Unkeuschheit mit nahen gesippen
Freunden.

Seiner Unkeuschheit mit seiner Stiefftochter / mit seines Sohns Ehe-
weib / oder mit seiner Stieffmutter treibt / in solchen / und noch nähern
Sippschafften soll die Straff / wie davon von unsern Vorfahren / und un-
sern Kånserlichen geschriebenen Rechten gesetzt / gebraucht / und derhalb bey
der Rechts-verständigen Raths gepflogen werden.

AD ARTIC. CXVII.

ARGUMENTUM.

*Qui incestum vel cum personis cognatis, vel cum affinibus committit, juxta
Constitutiones Cæsareas, sed præviò Prudentum consilio, puniendus est.*

EXEGESIS.

Videndum est, quid significet vocabulum *Incestus*, scilicet idem, ac mi-
nimè castum congressum, in quo castitatis cingulum deest, quo Ve-
nus uti credebatur ad honestas nuptias & adornandam sponsam,
quæ cum casto seu veneris cingulo, observatis conjugii legibus, jungē-
batur